

Flash Notes

ENT | Audiology

AUDIOLOGY

ال audiology ده علم السمعيات، انا بسميه feminine part of ENT دا شغل الدكاتره البنات و برده فى رجاله فى علم السمعيات بس ده مفهوش جراحة.

Characters of the sound:

الصوت اللى بنسمعه دا ليه 2 characters
هو تخين ولا رفيع، عالى ولا واطى: تخين ولا رفيع اسمه frequency او ال tone او ال pitch of sound،
عالى و لا واطى دا اسمه intensity

1. ال frequency بتتقاس بال hertz اللى هو ال waves اللى ماشيه فى الجو
نص cycle مع نص wave= cycle

بتقول human ear بتسمع عند كام، عند ال range ما بين 20:20, 000 Hz تحت ال 20 اسمه
subsonic، فوق 20, 000 اسمه ال ultra sound و كان اكتشافه فى الحرب العالميه لما كانوا
بيكتشفوا بيه الغواصات تحت الميه

2. اما ال intensity فال range بتاعى من 0:140 dB، ال dB دا وحده القياس دا zero، loudness
معناه لو غار يتم ضعيف جدا جدا فسموه zero لكن فى صوت، الصوت اللى حد ما لحد 90 dB مقبول
بعد ال 90 يبدأ يضايق
discomfortable (من 90:110)، severe pain (من 110:140)، فوق ال 140 dB ميسمعوش ال 140
دا قوة ماتور الطيارة النفاسة

Audiometry

دا الجهاز اللى هيقيس ال audiogram دا الرسم انما ال audiometry هو طريقه القياس، لما اجى اقيس
السمع مش بقى كده على بعضه لا لازم intensity معينه و frequency معينه لان organ of corti
نشيط كل مجموعه من fibers بتستقبل صوت بتردد وتخن معين.

انواع ال audiometry

ياما اسمعك زئمة و اسالك سامع ولا لا الزنه دى ليها frequency واحد و ال intensity واحده

VISIT...

LANZAROTE
Caliente.COM

pure PTA دا

علشان زنه واحده نغمة واحدة harmonic

speech audiometry اما ال

دا dys harmonic الصوت بيعلى و يوطى و يخشن و يرفع يبقى ال speech audiometry بسمعك كلام و تردد اما ال pure tone بسمعك زنه و تقول سامع و لا لا

ال impedance audiometry اللى هو resistant دا اخدناه كنت بعمل sound vibrations و اشوف displacement بتاع ال drum اللى هو tympanometry اللى هى راحت و جات و ال normal (type A)

اما ال type B دا ايه؟؟

فى حالة secretory otitis media (flat curve)

type C curve بتاع ال eustachian tube dysfunction

type AS curve (stiffness (otosclerosis)

type Ad curve (ossicular chain disruption)

otoAcoustic Emission

بسمعك صوت بيهز ال hair cells فى سماعة حساسه اوى هنا تستقبل حركة ال hair cells ، يبقى ال

normal hair cells بتاعتك

يعنى زى ما الودن برضه بتسمع ، بترد برضه جزء من الصوت ، تحركه ال hair cells دا oto Acoustic emissions

دا للودان ال normal ، ، oto = وذن ، ، Acoustic = صوت ، ، emissions= البعثات

الودن اللى مش ال normal hair cells مبتتحركش

ال Evoked Response audiometry اللى هو بسمعك صوت و اشوف الكهربيا وصلت للودن ولا لا ، لو حسيت الكهربيا بتاعه ال cochlea ال cochlea هسميه Electro cochleography و لو حسيت الكهربيا بتاعه ال nerve

و ال brain stem هسميه ABR ، لو حسيت الكهربيا اللى وصلت لل cortex يبقى اسميه cortical


evoked audiometry

هتاخذ النهارده و قعده النهارده اساسا على ال PTA لازم نخرج النهارده و بنعرف نقرا قياس السمع لان

ممکن يجيلك فى الشفوى قياس سمع تقراه او ممكن يجيلك slide وهو سهل جدا

Pure tone audiometry

مثلا لو حد عايز يقيس سمعه بدخله فى كشك خشب او اوضه عاديه زى دى بس مبطنه بفلين و بعدين خشب بنسميها الكشك علشان اعزله عن اى صوت غير اللى انا هسمعهوله بس و بيكون فى شبك زجاج بشوف العيان منه علشان اشوف حركاته سمع و لا لا رفع ايده و انا عايزه برده اشوفه يبقى لو هحطك فى sound proof room و ادليك صوت ، الصوت ده عبارة عن كلام ولا زنة ؟ زنه علشان دا ال pure frequency واحد



وال intensity واحد stimulation of hearing using pure tone
signals generated from audiometer اسمها audiometer.

audiometry هي الطريقة كلها test ده بيتعمل في sound-proof room في أوضة منعزلة، أنا بترجم معاك واحدة واحدة وبعد كده هشرح عشان تعرف تقرأ. هعمله مرة ب ear phone تتحط في EAC واستمعك صوتك. يبقى أنا كده هعمل test لمن؟ لا air conduction. بعد ما أخلص ال AC عند different intensities أروح شال ear peace وأقوم vibration عند mastoid bone وأعيد ال test،

يبقى أنا بقيس ال bone conduction مرة AC ومرة BC. ال signals دي بيتدي واطي وبعدين أعلى أعلى أعلى لغاية ما يرفعلي إيد، بمعنى أنا شايف العيان من الكشك الشباب الإزاز، وهو جنبه زرار بقول له لما تسمع صوت إديني إشارة يا إما يرفع إيد يا إما يضرب الجرس، وابتدي. جطيت ال ear peace في ال EAC و ابتدي تن تن عند Zero dB، مرفعش أرفع عند 10 dB برضه ما سمعش، بعدين رفع إيد عند 20 dB، يبقى هو بيسمع عند 20 dB مثلاً، وبعدها أحط ال vibrator عند ال mastoid وأقيس ال different frequencies بقي.

يبقى إذا signals of increasing intensity عند كل frequency، هتفهم عند كل frequency دي كمان شوية.

During the test ال non tested ear، منا بقيس السمع في واحدة وبعدين أقيس السمع في الثانية، مينفعش أقيس السمع في الاثنين في نفس الوقت، ساعتها مش هعرف مين الضعيفة. طب وانا بقيس في واحدة الثانية أعمل لها إيه؟ أعمل لها masking عشان ميسمعش من الناحية الثانية، طب اعملها ازاى؟ يعني مثلاً فيه سماعة أهيه بتطلع صوت وسماعة أهيه الناحية الثانية عاملة masking، ممكن تشوش عشان تغطي على الصوت. يبقى إذا

. the non-testing ear should be masked to avoid cross transmission, during the test

إيه معنى إن أنا هقيس عند 8 frequencies؟ من 125: 8000، 125 ضعفها 250، ضعفها 500 وهكذا.. الوحدات دي اللي مش ضعف 4000 و6000 وهكذا. تعالى بقى ننسى الكلام اللي مكتوب ونطبقه على الحقيقة، العيان دخل الكشك، حطيتله ear peace وبدأت أحسب ال AC تمام في جهاز أو يعني curve.

ال vertical column ده ال intensity

اللي هو يُقاس بال dB ورقمه من صفر ل 90، مينفعش بعد ال 90 dB، لأن بيكون discomfort.

وال horizontal ده ال frequency

ورقمه من 125 لحد 8000 تمام كده؟ الجهاز اللي بطلع منه الصوت فيه زرار مكتوب عليه FM زي بتاع الراديو، ده اختصار frequency modulation بغير بيه ال frequency. أمّا هنا في كذا زرار لل intensity، زرار مكتوب عليه zero dB وواحد مكتوب عليه 10 dB، 20 dB، 30 dB ولغاية 90 dB.

انت بتثبت frequency وتغير ال intensity من الأوطى للأعلى للأعلى. هنيجي للعيان اللي حطيناه في الكشك الخشب ده وحطيت ال ear peace في ال EC أو ال meatus، يبقى أنا ناوي أحسب ال AC، ورحت مثبت frequency بتاعه على 125

intensity whatever بتاعته كام انا حظيت المؤشر خلاص على 125 تمام، ورحت دايس على زيرو مسمعش، ورحت دايس على 10 dB راح راسم. يبقى لما كان ال 125 frequency سمع عند 10 dB. أقوم حاطط ال frequency عند 250، يبقا لما كان 250 Hz سمع عند 0 dB وأغتر ل 500 dB وهكذا.. اترسملي كده curve اسمه AC لغاية 8000 dB، أروح شابل ear peace وأروح حاططها على ال mastoid bone vibrator وأقوم أحسب ال bone conduction وأعيد نفس الكثرة، وارسم لون ثاني بقلم ثاني ظبطه عند ال 125 ودوست على 10 dB مرفعش، دوست على 20 dB لما كان 125 Hz سمع عند 20 dB.

طبعا بيت رسم رسمة ثانية خالص، بعد كده 250 Hz دوست على 0 مرفعش، على 10 dB رفع إيدته، ولما كان 500 Hz سمع عند 10 dB، يبقى أنا كده قست ال bone conduction وال air conduction.

طب ال cochlear nerve ربنا خلقه كبير، 23.000 fiber كل fiber مسئول عن intensity معين، طب هنا ليه العيان ممكن يسمع عند 250 Hz وميسمعش عند 500 Hz؟ لأن ال fiber اللي مسئول عنه متدمر وعلشان كده فيه ناس ممكن ماتسمعش الصوت الرفيع وهكذا، وصلت؟

في حالة ال CHL ال air conduction مش سليم بينما ال bone سليم، ال threshold في حالة AC زاد إنما ال BC ال threshold ثابت.

ال threshold زاد معناه عايز intensity أعلى، ال threshold لما يزيد يبقى مين ال curve اللي هيقع؟ ال curve بتاع AC، وتلاقي ال curve بتاع BC normal.

طب إيه رأيك في SNHL؟ إيه اللي تأثر، ال air ولا ال bone؟

اللاتنين، ما هو ال nerve اللي بيوصل باظ، يبقى ال AC threshold زاد و BC threshold زاد، يبقى ال 2 curves يقعون بنفس النسبة اللي بينهم لما كان normal.

طب ليه؟

هو إيه اللي باظ في SNHL؟ يال cochlea يال nerve، يبقى ساعتها هتسمع ال air أو bone؟ لأ، لكن في CHL كانت ال cochlea سليمة فبتسمع ال bone conduction normal.

يبقى إذن نقول ثاني:

في ال CHL ال threshold ينزل، في ال SNHL ال لاتنين يقعوا.

طب اجمعلي ال لاتنين دول، يبقى اسمه إيه؟

Mixed HL.

يبقى هنا ال AC ال threshold بتاعه زاد كام مرة؟ مرتين، بينما ال BC زاد مرة واحدة، يبقى إذن في ال mixed ال 2 curves هيقعوا، بس مين أكثر؟ ال AC curve لأنه وقع مرتين: SNHL + conductive.

طب ماتيحي نقولها بالفكاكة:

- لو لقيت الـ 2 curves فوق الـ 20 يبقى normal، لا air ولا bone واقع.
- طب لو لقيت واحد normal والثاني واقع؟ يبقى ده إيه؟ conductive HL، مش مهم مين اللي لسه ومين اللي واقع، أقولك ليه؟ لا يوجد disease يوقع الـ bone ويسيب الـ normal AC، لأن اللي هيووقع الـ bone هيووقع الـ air قبله.
- يبقى لو لقيت الاثنين واقعين بس واحد واقع أوى عن الثاني يبقى ده mixed HL، سهل الكلام؟
- الـ normal gap ما بين الـ 2 curves zero، بس acceptable لحد 20 dB، تمام؟

يبقى إذن أنا عندي دلوقتي المعادلات دي:

Normal hearing = 0:20 dB

ولا curve من الاثنين واقع عند 20 dB، وفيه ناس حديثًا بتقول 25 dB.

طبيب تعالوا ناخذ الـ curves دي، طب ليه قلت على الـ curves دي normal؟ الاثنين فوق 20 dB، طب ليه أنا قلت على ده CHL؟ لأن الـ air واقع وسايب الـ bone، طبعا انت فهمت إن ده الـ air طالما ده ثابت و curve اللي وقع، طب لو الاثنين واقعين و gap ما بينهم زى الـ normal؟ يبقى ده SNHL، طب لو gap أكبر من الـ normal وواحد وقع أكثر من الثاني؟ يبقى ده mixed.

يبقى أنا كده فهمت قياس السمع، يبقى تعرف بسهولة تقرأ قياس سمع عادى.

تعالى بقى نشوف degree of hearing loss:

أولاً أنا عملت قياس سمع ليه؟

عشان أعرف الـ type of hearing loss هل هو CHL ولا SNHL ولا mixed.

الـ degree بقى، وقع عند كام dB؟ هى دي الـ degree.

أنا بستغرب أوى العيان ييجى يقولى فى العيادة الدكتور قالى ودنك بتسمع بـ 20% بس، أنا مبهمينش 20% أو 30%، أنا يهمنى بيسمع عند كام dB عشان أقدر أختارله السماعة المناسبة ليه.

- الـ normal ما بين 0 و 25، يبقى ولا curve وقع عن 25 dB، ولا air ولا bone وقع عن 25 dB.

- الـ mild بقي لو الـ curve وقع عند من 25:40 dB.

- الـ moderate من 40:55 dB.

- الـ moderately severe من 55 لـ 70.

- الـ severe من 70 لـ 90.

- أكثر من 90 مبيسمعش، الجهاز يعملك أسهم إنه مبيسمعش، الصوت اللي انت اديته مبيسمعش.

تعالوا نطبق القانون ده:

ده normal، ده الـ degree بتاعته كام؟ أنا عاوزك تبص لأوطى جزء، واصل لـ 80 dB أهو، يبقى ده severe، ده بقى الـ degree بتاعته إيه؟ moderately severe، تمام، كده يبقى فهمناها.

يبقى كده نعرف نقرا قياس سمع هو ده PTA.

طب ال gap ما بين ال 2 curves يفرق فايه؟

يفرق في ال stapedectomy. لو ال $\text{air-bone gap} > 20 \text{ dB}$ اعمل العملية اقل ماعملش العملية.

speech audiometry هو نفس الكشك الخشب بس بدل ماسمع العيان زنه تن تن اسمعه كلام spoken words, speech

انت عارف ميزة ال speech audiometry؟ انت ممكن تكون سامع الزنة وممكن تكون سامع الكلام بس مش فاهم، ال speech audiometry بجبرك تردد الكلام ورايا يبقى انت كده فاهم. يعنى فى احيانا كثير جدا تلاقى العيان بيقولك يا بنى انا سامعك بس مش مفسر كلامك ده بقى بيبيّنلك القدرة على تفسير الكلام. ال discrimination

يبقى إذا

speech audiometry measure the ability of each ear to discriminate the spoken word.

بالذات الكلمات المتشابهة fat، cat وهكذا يبقى ممكن بنطقها ات اتوانا مش فاهم بيقول ايه يبقى ال value بتاعه: poor speech discrimination بيقول ان ده acoustic neuroma.

ياااه يا دكتور فكرتنى فاكّر أحمد ومحمد وهما ماشيين مع بعض وانا بناديهم ده acoustic neuroma كان فى acoustic neuroma هنا داست عال nerve بعض ال fibers وبعضها لاء و still fibers شغالة و fibers بايطة ما بتنقلش، وانا بنادى احمد واحد منهما سمعها أحمد مابقاش فاهم إذا فى poor speech discrimination بيقول ان فى retro cochlear region فال acoustic nerve

- ال impedance audiometry خدناه كله
- وال oto-acoustic-emissions خدناه امبارح الى هو حركة ال hair cell
- وال acoustic (stapedial) reflex خدناه
- وال Evoked response audiometry خدناه كله هنا
- وال electro-cochleo-graphy بقيس ال electric activity فى ال cochlea زى فى مرض ال meniereis disease
- فى ABR فى ال acoustic neuroma وال cortical evoked audiometer

Operations

ال operations بقى ده موضوع النهاردة

على فكرة ال nose أسرع من ال Ear بس ال ear أغبى جزء، انتو دلوقت فاكربنها سهلة بس بعد اسبوعين ثلاثة هتلاقوها ايه؟ اتنست، عشان كده لازم تقروها مرة واتين وثلاثة واربعة انا بطالبكو بحاجة بقى اول ماتخلص ال ear وخلصت قراية الكتاب الازرق تقرا الكتاب الاصفر المهم.

الmyringotomy

myring يعني طبلة، otomy يعني شق، ectomy يعني يشيل

فهمت الفرق. myringotomy: شق طبلة. اكثر واحدة فال operations of ear جت فالامتحان او يمكن
هى الى بتيجى كثير قوى

indications and complications of myringotomy

ايه ال indication السؤال ده اتسأل السنة الى فانت فى end round اول سؤال فاول راوند

1- فى حالة AOM كنت بعمل myringotomy فى حالة؟

زى فى حالة bulging drum فاكرا اما قلتلك ان العيان بيكون جايلك وبيتوجع وبيرتاح اوى لما تخرمله
الطبلة لان خراج وفتح

- و small or high up perforation

انت قولتلنا يا دكتور ----ال perforation usually هنا عند ال antro-inferior بس ممكن يكون عكس ال

gravity فافوسع الخرم عشان يحصل drainage

- او failure of medical TTT for 48 hours

خصوصا فالاطفال فى حالة AOM بعد 48 ساعة ال pain & fever موجودين ايه هستنى لما يجيله
complications.

مكتوب ليه especially in children؟

لان resist bulging & perforation thick drum. طفل جايلك او كبير جايلك ب complication زى
facial paralysis او mastoiditis لو جينا رسمنا هنا ال cochlea وهنا ال pus متجمع ومزنوق يدخل
على ال bony canal ويعمل facial paralysis وبالتالي ال myringotomy هنا علاج عشان
ال drainage.

نجمع تانى بعمله فى حالة acute otitis media فى الحالات الآتية:

1-bulging drum

2-small or high up perforation

3-failure of treatment for 48 hours especially in children

4-complications as facial paralysis or mastoiditis

2. تانى حالة Otitic barotraumas

فاكر أما قلت عن لما الواحد يركب طائرة وعنده نزلة برد والطيارة نازلة وجاله Moderate stage
effusion أو hemotympan تعمل له drainage.

3. فى ال SOM

كنت بعمل myringotomy وأفضي ال fluid وبعدها أركب إيه؟ ventilation tube يبقى هنا الهدف
ال ventilation.

ال technique بتاع العملية:

بيدأب anesthesia

البنج اللي هتديه:

general anesthesia in children- ماهو مينفعش أديله local والعيل يبقى شايفك وانت داخل وبالشرط، مينفعش يجيله psychological trauma، فبديله general عشان أعرف اشتغل.
General or local anesthesia in adults
adult بـ بتخيره، أنا بصراحة بحب اعمل كل عملياتي بالـ general، بريح دماغي. بس واحد عنده chest troubles متعرفش تبثجه فبديله بنج موضعي.

ثانيًا: Site of incision:

قلتك الطبله اتقسمت لأربع أجزاء، خدت horizontal line عند lower level of malleus وخذت vertical line مع المalleus، هنا فوق superior وتحت inferior، وكل ربع بيتسمى antero أو postero الأول، زي antrosuperior، anteroposterior، posterosuperior، posteroinferior.
قلتك الربع اللي هو postero-superior ده خطر جدًا؛ اللي بييجي فيه cholesteatoma متعملش فيه حاجة. اللي بارزة ورا ال malleus دي ال joint بين ال incus والـ stapes؛ علشان كده ال cholesteatoma بتعمل erosion of long process of incus اللي هي باينة دي، إذا ده أخطر ربع متعملش فيه myringotomy

لو انا هركب أنبوبة بتختار يا إما anerosuperior quadrant ده ليه؟

لأن اكتشفوا إنه the least migratory area، فاكرين الاسم ده؟ لما حط نقطة حبر على drum هنا لافها اتحركت، ليه؟ لأن ال epithelium بي migrate بيتجدد لو ركبت الأنبوبة في أي حته من دول ال epithelium هيطردها، بس دي أقل حته فيها epithelial migration يبقى ده anterosuperior quadrant اللي هركب فيه، لكن لو عملتها في antero-inferior quadrant مكان ال cane of light مش غلط. طيب يا دكتور في AOM اعملها فين؟ في ال postero-inferior quadrant.

أنا بعملها ليه في حالة ال AOM أو barotrauma؟

عشان ال drainage ولا ال ventilation؟ علشان ال drainage طبعًا؛ فأعملها تحت مع ال gravity. إذا في حالة AOM أو barotrauma يُفضل أعملها في ال postero-inferior quadrant.

إنت عملت ليه myringotomy إيه الهدف يعني في حالة AOM؟

ماهو ال pus هيزيد يا دكتور لحد ما يخرم الطبله وتفرقع لوحدها، لأ العيان بيتوجع يبقى رقم واحد: to relieve pain.

وعشان لما انا فتحتها بإيدي وفرقعت ال surgical wound هنا يلم أحسن من غير scar، يلم بـ 1st intention، إنما لو سبتها تفرقع هيعمل necrosis ويلم بـ 2nd intention ده لو لبت أصلا. يبقى ال healing bad لو فرقعت إنما ال healing يكون أحسن لو انا اللي عملت ال wound.

Complications of Myringotomy

إيه هي بقى؟

- ممكن الجرح ميلمش، امتى ميلمش الجرح بعد أي عملية؟ لو حصل fibrosis في ال fibrous ledges

tissue يمنع ال healing يبقى persistent perforation.
طبيب يا دكتور مش انت قتلنا في المalleolus والincus؟ طبيب منا
ممکن أغلط واعملها فيه، أعمل dislocation ما بين ال incus وال stapes إني أعمل injury to
incudostapedial joint.

طبيب يا دكتور مش انت قتلتي إن هنا jugular bulb اللي عامله ال jugular vein يكون تحت ال middle
ear و separated بطبقة رقيقة من ال bone، ممن ال bone ده مش موجود وممكن يكون ال jugular
bulb جوه ال middle ear وتشخصه غلط على إنه ال venous blood وهو SOM.
بصيت بال microscopel لقيت حاجة grayish افتركت ان ده secretion رحت عامل myringotomy
بصيت لقيت نافورة دم، يبقى injury لاتنين:

1. Injury to incudostapedial joint

2. Injury to jugular bulb.

هو ال injury اللي في ال drum لما يجي ي heal ويعمل ال scar ال scar ده لونه ايه؟!
بيكون ابيض اسمه tympano sclerosis يبقى طبعا دي ممكن تكون من ال complications لاني عورت
ال collagen bundle يبقى دي ال complications.

الفيديو ده انا ورتهولكم قبل كذا دي الطبله ودي المشرط انا داخل اقطع بيه وطلع fluid هسفت ال fluid
انا بعمل myringotomy في ال secretory otitis media دخل شفت بالشفاف
incision اهو وبحط فيه ال tube اللي هي ال grommet tube ليها شفتين الشفه اللي تحت تدخل تمام
كده؟!!!

Cortical Mastoidectomy

نيجي بقا ال cortical mastoidectomy العيان هنا مديك قفاه حلقته شعره من وراه 12.3 سم علشان
التعيم وبعد كذا فتحت الجلد لقيت ال sub cutaneous tissue وبعدين ال periosteum وبعدين
جيت ال drill وقعدت انصف في ال mastoid bone لحد مالقيت ال air cells وروحت واكلهم كلهم
يبقي كذا ال cortex هو ال cover يبقي شلت ال cortex اللي هو شلته بال drill مبقاش موجود ال
cortical mastoidectomy يعني شلت ال air cell خلتها كلها cavity واحد، سداح مداح انت كنت
بتعمل كده في ايه الكلام ده؟!!!

اتكرر قبل كذا لو فيه acute mastoiditis وال medical treatment failed for 24hours
تستني بقا يجيله brain abscess او meningitis؟! لا طبعا

لو جالك ب mastoditis ومعاه brain abscess استني بقا لما يموت؟!
لا الحقه ولو كان جه ب mastoid abscess
اخلى بالي ان ده حصل بعد acute mastoditis حصل cellulitis وبعدين abscess زي ال encephalitis
وقلب abscess.

تعرف منين انه قلب abcess؟

ال pain thrombosing خلاص once اتكون ال pus لازم افضى ال zygomatic او mastoid abscess لازم اعمل ال mastoidectomy كجزء من عملية تانيه طبعا ممكن.

middle ear cleft بص معايا كذا ال mastoid ، middle ear and ET التلاته دول على بعض اسمه middle ear cleft ، لو انا نضفت ال mastoid يبقى ده cortical امال ال radical بقي كل ده انا بعمل cortical بشيل كل ال middle ear ماعدا ال drum.

يعنى انت عاوز تقول ان ال cortical جزء من ال radical؟

منا علشان اعمل radical اشيل ال mastoid الاول.
يبقى اذا ال radical mastoidectomy as part of an author complication وكمان جزء من ال tympanoplasty.

لو فى discharge ادى الطبله اهى وفى خرم وفى discharge والخرم بيحبب صديد، طالما الصديد طالع من middle ear يبقى فى صديد فى mastoid لان ال middle ear متصله مع ال mastoid antrum بـ aditus ad antrum ، يبقى قبل مانرقع الطبله انضف mastoid واعمل cortical mastoidectomy .

عايز تضيف حاجه برضو فى ال another operation ال cochlear implant امال ايه مش كنت بعمل حفرة على قد الجنيه فى ال base of skull بحط فيها الجهاز بتاعى ولازم اعمل cortical mastoidectomy واعدى من خلاله السلك امال هعدى السلك منين.
الجهاز بيدخل عن طريق mastoid cavity اللى انا عملته هو مفيش infection ولا حاجه انا بس هعدى السلك منه.

ال technique

أنت هتكسر فى العضم يبقى ممكن نعمل general anathesia وممكن اعمل local عادى انا مره الكهريا قطعت عليه وانا بعمل عمليه وال drill وقف ، ففي الخمسينات مكش فيه drill كان كله hummer معايا؟
العيان بيصحى بـ sever headache فيفضل general anathesia انت عمال تعمل بشانيور فى العضم يبقى اذا ال anathesia هتكون general
ال incision بقي هيبقى post auricular بس take care فى الاطفال
لان ال mastoid بتاع الاطفال صغيرة وال fascial nerve طالع ما بين ال mastoid laterally و styloid medially

طالما ال mastoid قصيرة وحبيت اعمل incision وممكن اعور ال fascial nerve يبقى ال incision هنا هيكون ايه؟! wilds incision بيكون high oblique.

دى متقالش فى cortical mastoidectomy بس، دى تتقال فى أى post auricular incision سواء tympanoplasty أو أى حاجة.

بعد مافتح skin وال subcutaneous tissue ألقى ال periosteum، أعريه وألقى ال bone، ألقى ال air cells، وبعدين ألقى ال antrum، أهو ال lateral semicircular canal وراه أهيه، أنصف بقى لأن ال antrum fixed فينا كلنا، مانا عايز ال fixed landmark.

فى أى عملية جراحية فى الجراحة يقولك إيه ال landmark بتاعة المنطقة دى، يعنى مثلاً ال say الرقبة، إيه ال key anatomy بتاع الرقبة؟ لو أنا تهت فى الرقبة برجع لل sternomastoid مثلاً، فى ال nose من جوه ال middle turbulence فوقى إيه وتحتى إيه، كذلك ال mastoid وال ear ال antrum fixed فينا كلنا. أجيب ال antrum، فوقيه ال dura medial ليه ال lateral semicircular canal وهكذا، يبقى لازم أولاً نجيب ال antrum، وبعدها تنصف بقية ال air cells.

طبيب تجيب ال antrum إزاي؟

كان فيه حاجة اسمها ال clinical landmark، هنا اسمها **cympha concha**، أما دلوقتى ال clinical landmark دى مش موجودة لأن أنا فاتح وشاد ال auricle، أنا قدامى ال skull bone، يبقى قدامى حاجات بارزة اسمها ال surgical landmark، اللى هو ال supra-meatal triangle أو McEwen's triangle.

دى ال temporal bone بتاعة زمان، وده ال zygomatic arch، ال zygomatic arch ده فيه حاجة بتبقى continued معاه، اللى هى ال supra-meatal crest، اللى هو بيبقى بارز أكثر فى الرجالة عن الستات، آخذ خط بالعرض مع ال supra-meatal crest، اسمه ال supra-meatal لأنه فوق ال mastoid، وخذت خط بالطول يمس ال posterior wall of EAC، يبقى خدت خط tangential مع ال posterior meatal wall ال العضم البارز، راح مرسوملى ال triangle.

إيه ال boundaries بتاعته؟

Superior: Supra-meatal crest.

Anterior: Postero-superior meatal wall.

Posterior: Tangential to posterior meatal wall.

يبقى اترسملى ال triangle أحفر فيه أجيب ال antrum، عرفت يعنى إيه McEwen's triangle؟ عرفت يعنى إيه ال surgical landmark على ال antrum و ال clinical landmark على ال auricle والعيان لسه متفتحش؟ تمام.

ده ال cortical mastoidectomy، ورتھولكم قبل كده، دى ال auricle هطرحها على قدام، فتحت من وراها، وده ال periosteum، شقيته ونصفت بال drill وده الشفاط والحكيمة بترشلى مية، هجيب ال antrum، جبت ال antrum أهو وأبتدى أنصف بقية ال air cells، وبعدين أرجع ال periosteum أخيطه وأخيط الجلد.

الصورة دى ممكن تجيلك فى امتحان ال slides، ده ال cortical mastoidectomy، عرفت مينين؟ أولاً ده ال antrum وده ال supra-meatal crest.

طب امتى يبقى اسمها radical؟

لو شال ال middle ear وال mastoid وخلاه cavity واحد.

Complications:

إيه هى ال complications يا دكتور؟

دلوقتى فيه حاجة هنا اسمها ال dura، وهنا ال sigmoid sinus اللى هينزل ويبقى jugular vein، لو إيدك سرحت على فوق وعورت ال dura يحصل CSF leakage، لو إيدك سرحت على ورا يبقى عورت ال sigmoid (venous blood).

فى ال medial wall فيه ال lateral semicircular canal، فاكرين جيغى؟ هى دى، ال drill يقع على semicircular canal ويجيب ال perilymph.

Complications of Mastoidectomy

إيه ال complications يا دكتور بتاع ال cortical mastoidectomy
أولا الصورة دى ممكن تجيلك فى امتحان الصور، إيه العملية دى؟ دى ال cortical mastoidectomy، عرفنا منين إنها cortical؟ جاب ال antrum و بعد كده نضف ال mastoid air cells و external acoustic meatus.

طيب امتى يبقى اسمها radical؟ لو شال ال bridge و خلى ال middle ear و cavity ← mastoid واحد سداح مداح

إيه ال complications بقى

دلوقتى فى حاجة اسمها ال dura يا دكتور و حاجة اسمها ال sigmoid sinus اللى هينزل ويبقى internal jugular vein تحت ال ear، لو إيدك سرحت على فوق عورت ال dura → CSF leakage → otorrhea
لو إيدك سرحت على ورا عورت ال sigmoid → venous blood
فى ال medial wall of the antrum كان فى حاجتين anatomy اللى هما ال lateral semicircular canal and second genu of facial nerve، فاكرين جيغى هى دى ال drill وقع على ال second genu of facial nerve، semicircular canal.

دكتور مش ممكن بعد ما خيطت ال periosteum و الجلد الخياطة ما تلمش و يبقى فى persistant fistula علشان انت سايب infection جوه فالجرح بتاعك مش راضى يلم يبقى اسمها persistant mastoid fistula.

Radical Mastoidectomy

إليه ال radical mastoidectomy بقى امتى سميتها radical؟
 removal of middle ear and removal of air mastoid content except stapes لو عملت
 علشان اسيب oval window مقفول والا هيجي للمريض perilymph fistula، كده خليتهم cavity
 واحد، دلوقتى دى ال middle ear و وراها ال mastoid، إيه اللى يفصل الاثنين عن بعض؟
 ال posterior wall of external auditory canal.

لو انا طيرت ال posterior wall ده و قلبت الاثنين single large cavity و شيلت ال middle ear
 content هى دى ال radical mastoidectomy.

Indications of Radical Mastoidectomy

indications of radical mastoidectomy، امتى اعمل العملية الكبيرة قوى دى 2C و 2T.
 طبعا ال cholesteatoma متشعبة هنا و هنا خلاص اشيل، دا unsafe type، اما لو ال
 cholesteatoma حته صغيرة هنا اقتحله حته صغيرة هنا، ال هى فين؟ فى attic، اسمها
 atticotomy، لو كبرت شوية atticocantrum، اسمها atticocanotomy، اما لو ال
 cholesteatoma كبرت هنا و هنا لأ بقى هنا اعمل radical و دى اكبر عملية.

طيب فى cholesteatoma if extensive او cholesteatoma و عامله complications زى brain
 abscess طيب 2T → tumor & TB

- هتخافظ على tumor؟ لأ طبعا
- او TB otitis media

TB داخل فى ال ossicles لأن TB بيعمل حاجة اسمها T.B otitis العضم ده ماينفعش يتساب لأنه
 بيعمل tuberculous tissue قالك تعرف مينين؟
 multiple perforations of drum → TB otitis media، تلاقى ال drum مخرمة، يبقى النوع ده
 مش otitis media عادية
 احنا اخدنا ال CSOM بيعمل كان perforation فى ال drum؟ واحد
 لقيت بقى اكر من واحد يبقى ده TB، طبعا متسألنيش، انا شوفت ال TB مرة واحدة فى حياتى، مش
 common خالص.

Technique

نبدأ بال general anesthesia → ما انت بتكسر فى العضم
 ال postauricular → incision و take care in children

اسمه إيه ال incision فى children؟

wild's incision → oblique and high

ال radical mastoidectomy عبارة عن 5 نقط و ما تذكرش ارقام فى الامتحان ده لو سألوك قول على طول من غير ما تقول انهم 5 points، إيه هما ال 5 points بقى

1. بعمل cortical mastoidectomy اللى هى removal of mastoid cortex وافتح ال antrum واشيل بقيت ال air cells

2. اشيل كل ال middle ear content ما عدا ال stapes. طب يا دكتور دلوقتى انت عملتلى فراغين إيه اللى بي فصل الفراغين دول عن بعض ال wall posterior

الحته دى صعبة فنركز شوية

ال posterior canal wall ده جزئين جزء فوق تحتية فراغ اللى هو aditus ad antrum وجزء تحت كله عضم مفيش تحته فراغ هو مش فيه حاجة هنا اسمها aditus ad antrum ده هوا. يبقى الجزء اللى فوقها كوبرى ما هو الكوبرى تحته فراغ بينما الجزء اللى تحت مش تحته هوا ف أسميه جسر يبقى الجزء اللى فوق اسمه bridge والجزء اللى تحته اسمه ridge

سؤال مهم جدا

لو انا شيلت ال bridge انا خايف على facial nerve ؟ لأن deep to the antrum
لو اعتبرت ان القناة قدامى اللى هى aditus ad antrum ف ال facial nerve ماشى deep للهوا وبعدين يطالع superficial فى ridge ف أنا لو شيلت ال bridge ان مش خايف اما لو شيلت ال ridge اذا كان ال bony canal of facial nerve ماشية فيه يبقى اذا لو شيلت ال posterior wall كله هعور ال facial nerve ال bridge لازم يتشال بسبب انى لازم اوسع لان حته مش كافية انى اعمله single large cavity علشان يتهوئ لان انا عامل فراغ صناعى فانا لازم اى فراغ عملته او فرله تهويه good aeration علشان امنع secondary infection انا عايزه ينشف ميعدش يصب discharge زى ما بقك يتهوئ ليل ونهار فينشف والحاجة الثانية لما اوسع جامد هيحصل ايه لو ال cholesteatoma رجعت تانى ؟ هعرف اكشفها بسهولة لان الفتحة واسعة

طيب removal of bridge of post. Wall وبعدين ال ridge كان على كدة انا وطيته لحد ما ال bony canal ظهرت وطيته بال drill اقعد اكوى العضم فهى بتوطى على اساس بنيم العيان على جنبه ده لغاية اما ال bony canal ظهرت او لما estimate ان كدة كفاية معايا لكن complication هو مش ممكن يوطى بزيادة ويعور ال facial nerve

4. obliteration of Eustachian tube

انا دلوقتى بشرح ال classical pathway هى ال E, t كانت وظيفتها ايه ؟ ventilation of middle ear طب ما هو دلوقتى ال middle ear مش محتاجة تهوية يبقى ال E.t ملهاش وظيفة هنا ؟ بالعكس ده العيان بييجى ينفع يطالع secretions على ال middle ear ويحصل infection لل nasopharynx يبقى ملهاش وظيفة يبقى ألغياها.

ألغياها ازاى بقى ؟ تروح مدخل الكحاته بتاعتك تقوم معور ال E.t داير ما يدور وتجب شوية fat وتروح

حاشيهم عشان يحصل fibrosis الا اذا كنت ناوى فى يوم من الايام بعد ما تعالج ال cholesteatoma ترجع سمع العيان تانى انك ترجعله ossicles صناعية و drum من تانى فى الحالة دى حافظ عليها سنة ولا حاجة تتأكد ان مفيش cholsteatoma و تعمل reconstruction

5. طب دكتور ال meatoplasty يعنى ايه؟

هو انت لما شلت ال external canal من ورا اللى هو ال bony part مش فى حاجة اسمها cartilaginous part اللى هى ال 8mm ال 1/3 outer طب ما هى كدة بقت ضيقة يعنى انت شلت ال bone وال soft tissue سبته يبقى انت لازم تشيل ال cartilage كمان يبقى اسمها meatoplasty أوسع قناة الودن زى الفيل زى ما وسعت ال bony part من ورا اوسع ال cartilaginous part

ليه بقى؟

عشان اوفر good aeration و follow up علشان اشوف ال cholesteatoma لو رجعت لو سبت ال cartilaginous part هتكون ضيقة ومش هعرف اشوف.

طب يا دكتور انت قولت ان ربنا جعل ال inner ear petrous bone عشان تحفظها من التيارات الحرارية كدة لو تيار هوا جه طسه فى ودنه هيدوخ؟ اه طبعاوده اسمه caloric reaction هيدوخ لو شوية هوا ساقعير او سخنين.

انا عملت العملية دى مرة لسواق ميكروباص جه بعد شوية قال انا معدتش بشتغل انا كل ما اسوق ادوخ بس ده كان عند ال cholesteatoma* فاللى حصل عملته temporalis muscle transposition ولفيت الودن خالص بس اتأكدت ان مفيش cholesteatoma بحيث لو الهوا جه طسه يبقى فى muscle بينه وبين الهوا

اللهم انا بفهمك كدة عشان تعرف يعنى ايه ال radical mastoidectomy ال metoplasty انا وسعت قناة الودن من برة خالص تمام ال canaloplasty اللى هو شيات ال bridge و وطيت ال ridge

ايه هى ال complications بتاعة ال radical يا دكتور

ما هى نفس ال cortical: طلعت لفوق عورت ال dura، رجعت لورا عورت ال sigmoid ايدى وقعت على ال lateral canal يبقى injury to، الجرح بتاعى ملمش يبقى persistent perforation بس انت عامل cavity كبير اوى مش كل شوية هينزلى قرف ومش ممكن ال wax يقع بال gravity يحصل accumulation لا طبعا معادش فى epithelial migration يبقى ده لازم ويضطر يجيلك كل شوية ينصف + persistent discharge

ليه بقى؟

اولا لان ال cavity ده ممكن يكون lined by skin وممكن يكون mucosal lined لو العيان حظه اسود و lined by mucosa ومحصلهاش dryness ومقلبش skin هتفضل mucosa و ت secrete mucous هيبقى persistent discharge ام لو حصلها good aeration و dryness هتقلب ل skin وفى الحالة دى مش هيكون فى persistent discharge الاتنين دول اسمهم mastoid cavity problems معايا

طيب recurrent cholesteatoma: العيان صعب عليك ومش تلوش كل ده سبتله حته عضة حته ossicle مشلتش كويس هترجعله ال cholesteatoma

يبقى انا لو عملت good meatoplasty وفيه تهوية كويسة هيتقل ال epithelium ويتحول ل skin
التنظيف هنا مش ear wash بتنضف بالشفاف

يعنى ايه modified radical mastoidectomy ؟

طيب colesteatoma كانت صغيرة اعمله modified radical mastoidectomy اسبيله حته من
ال ossicle لو سليمة او جزء من ال drum يبقى انا شيلت ال diseased part
وسبت ال healthy part واجى بعد سنة افحص اشوف لو ال cholesteatoma مرجعتش اروح بقى
مكمل على ال post. Wall وال drum واعمل reconstruction وهكذا

:There are 2 lines fo treatment of cholesteatoma

الكلمة دى اجلناها ل operations فى حاجة اسمها canal wall up و canal wall down

مين هو ال canal wall down الى انا شرحته دلوقتى الى اسمه radical mastoidectomy مش هو
كان عالى كدة وانا وطيته طيب ليه سموه open technique ؟ لان انا فتحته سداح مداح على ال
mastoid

يبقى اسمها canal wall down او open technique الى هى removal of cholesteatoma from
mastoid and removal of cholesteatoma from middle ear and removal of posterior
canal wall

قلتلك 3 انواع يا aticotomy هيشيل جزء صغير من ال posterior wall يا aticoantrostomy هيشيل
جزء اكبر شوية يا radical دى الى هى بتشيل كله اسمها canal wall down

طيب عيان جايلى ؛ cholesteatoma هنا ف احنا دخلنا من external canal شال وفتح من ورا الودن
دخل عمل mastoidectomy لجزء معين cortical وساب ال posterior wall زى ما هو يبقى ده canal
wall up الى هو closed technique

هو معملش cavity كبير هو ساب ال middle ear مقفولة من بال bone زى ما هى بس حته
cholesteatoma بس ممكن ترجع تانى و قلت

يعنى ايه combined approach

Approach يعنى مدخل انا لقيت cholesteatoma هنا و هنا فدخلت من external canal شلت جزء
من ال middle ear ودخلت وعملت cortical mastoidectomy فى ال mastoid سبت ال post.wall
مجتش جنبه بس هنا اسمها canal wall up. يبقى ال canal wall up او ال closed technique

ايه ال advantage بتاعة ال canal wall up

انك سبت ال canal ممكن ترقع الطبله بسهولة و middle ear مقفولة من ورا

امال ايه ال disadvantage

الى هي ممكن recurrent cholesteatoma عشان كدة بعد 6 شهور تحفر حفرة وتدخل المنظار وتشوف ال cholesteatoma رجعت ولا لأ. اسمها ايه احفر حفرة وادخل المنظار اسمها otoendoscopy والعملية اسمها second look operation يعنى نظرة ثانية. استنى عندك فكرة ان disadvantage فى closed technique هي advantage ل open technique والعكس ؟ بمعنى ايه بقى؟

ان ال recurrent cholesteatoma تبقى disadvantage فى حالة closed انما advantage فى حالة open ال incidence بتاع ال recurrence قليل

وبالمثل ال advantage فى حالة ال closed انك سبت ال posterior wall انما ال disadvantage فى ال open انك شلت ال posterior wall هنا مكتوب انها may open facial recess مش علينا انساها ده كلام ماجستير ودكتوراه مش هنسأله ونوضح ان closed بمعنى ان ال middle ear مقفولة من ورا مش مفتوحة على ال mastoid كله. اما open فهنا ال middle ear فتحت على ال mastoid وبقي cavity واحدة.

Up يعنى سبته على و down يعنى وطيته

tympanoplasty

نبدأ بقه بال tympanoplasty . ترقيع الطبلة .

يعني ايه tympanum ؟ يعنى Middle ear ← tympanic cavity . و plasty يعني تجميل . يرقعه الطبلة عشان أرجعه سمعه ، يبقى ده تجميل :

- ← يصلح برجع ال ossicles يبقى ده تجميل
- ← ترقيع الطبلة اسمه Myringoplasty ..
- ← وترقيع ال ossicles اسمه ossiculoplasty
- ← الاتين على بعض اسمه tympanoplasty . أي تجميل في ال middle ear اسمه tympanoplasty

إذا يبقى ال tympanoplasty كلمتين :

Eradication of the disease + Reconstruction of conductive hearing mechanism

يعني ايه eradication ؟

يعني داخل لقبت polyp أو granulation شلتها . لقبت خرم رقعته ، يبقى Reconstruction of conductive hearing mechanism

N.B الحمراء دي أخذناها . مين شاطر يقول امتى أعمل corticoid mastoidectomy

مع ال tympanoplasty ؟

لو في discharge سهلة جدا .

امتى تتسمى Myringoplasty ؟

لو مرقع الطبلة بس.. يعني مثلا لو المشكلة في خرم الطبلة بس ، انها اتخرمت ممكن traumatic ، فهل في هنا Infection أو اي حاجة؟ لأ.. أقو انا ارقعه طبلة ودنه لو ملماتش لوحدها. اسمها Myringoplasty ترقيع طبلة بس.

أما tympanoplasty ترقيع طبلة مع أشياء أخرى ، إذا ال Myringoplasty جزء من ال tympanoplasty.

2 C + 2 T :Indications

1. COSM : (safe type)

أمال ال unsafe كنت بعملها ايه ؟

Radical

2. Congenital middle ear anomalies

- ← واحد مولود ب Middle ear صغير: أوسعهوله ،
- ← أو من غير middle ear space : أعملهوله.. طب ما ده plasty ،
- ← واحد مولود ب ال ossicles كده fixed مع بعضها: أفصلهم. . أعمل plastic surgery .
- ← واحد اترزع بالقلم على ودنه عمل traumatic rupture ملماتش بعد شهرين ل 3 شهور. .
- أعمل Myringoplasty ،
- ← أو حانة عربية وال ossicles فرقعت: ألها تاني مع بعض ossicleplasty كل دي اسمها
- al tympanoplasty .

ال Technique بقه:

- ال anesthesia : Local أو general
- طبعا لو بترقع الطبلة بس ممكن local ، لكن غالبا بنعمل كله general.
- ال incision : post auricular incision
- Take care in children انا قلت كلمتين eradication بشيل ال granulation
- أو ال polyp أما ال reconstruction بيايه ؟
- ال temporalis fascia .. وأنا بفتح هنا أقرب عضلى ليا مين ؟ ال temporalis muscle عليها
- شوية fascia اروح واخذ graft منها ومرقع بيها الطبلة. . نفترض مكنش فيه temporalis
- fascia عند العيان ؟ دكتور كان مرقع الطبلة قبلي وواخذ منها Graft والعملية فشلت وجاي
- يعملها عندك تاني فمعدش في graft. .. متقوليش أقلب العيان وأجيبها من الناحية الثانية. .
- متقلبش العيان في العملية زي لما قلبوا الست بتاعة السمينة في العملية فماتت، اللي حصل
- ساعتها ان ال endotracheal tube اتحركت ودخلت
- ال esophagus فماتت من ischemia و damage لل brain tissue.
- المهم. .. مفيش temporalis fascia اتصرف. . هات من ال perichondrium باع
- ال tragus : اعمل Incision صغير في ال tragus ، كان زمان vein graft : يجيبوا حنة من
- ال vein بتاع العيان ويفردوها ويعملوها Graft وحنة من ال dura أحيانا . يبقى الأفضل:
- temporalis fascia لإن ال pericondrium قوي ، بس لو سألك في الأمتحان قول

- .temporalis fascia
- طبيب ال ossicles يا دكتور هنا malleus وهنا ، incus وهنا stapes .
- لو ال ossicles دي متكسرة أروح جايب أنا حته cartilage من ال tragus أو ال nasal septum وممكن أجيب Bone graft . اه ممكن قبل ما أعمل cortical mastoidectomy أجيب cheesel وال hummer واجيب حته cortical bone من ال mastoid cortex وأنحتها على هيئة ossicles وألصقها هنا .
- ★ يبقى يا إما bone graft
- ★ يا إما cartilage graft ،
- ★ يا إما ال patient own ossicles . ينفع حاجه صناعي.. مش ال incus متكسرة أهي طب ايه رأيك بقى لو نجيبها ونخليها بدام واقفة بالطول نوقفها بالعرض يبقى عملية لذيدة اسمها patient own ossicles .
- يبقى ياعلى cartilage ال cortical bone ، وينفع حاجة صناعية اسمها prosthesis . بص معايا كده لو ال malleus موجودة أجيب حاجة اسمها PORP ← partial ossicular replacement .. prosthesis
- ليه partial ؟ لأن فيه malleus موجودة او لو مش موجودة أستخدم حاجة اسمها TORP هنا . Total .
- يبقى يا أما TORP لو ال malleus مش موجودة يا PORP لو ال malleus موجودة . تمام.
- في جزء ال cartilage اللي بنعمله graft مش ممكن مع الوقت يحصل necrosis . ؟ ده وارد يحصل في ال complications بس ممكن يحصل حواليه fibrosis .
- بصوا يا ولاد . دي ال temporalis fascia فتحت للعيان من ورا الودن لقيت vein عملته dithermy اللي هو كي عشان مينزفش ودي ال temporalis fascia ورا الودن ، أهي عليه fascia بيضة .
- انصف ال Tissue من عليها لغاية اما الاقيها بتلمع وبفتح اهي من غير ما أعور ال muscle اللي تحتها ، فتحته أهو وعملت incision ودخلت من تحتها وفضيتها مبتاخدش وقت .
- قطعت جزء اهو من ال temporalis fascia واخذتها.. في جرح بسيط أعمله dithermy وخلص كده أنا أخذت graft .

ال Approaches بقى

احنا قلنا ال approach يعني باب أو مدخل. ال incision for middle ear surgery – approach

1. ال incision اللي بتعمله postauricular ب 1 سم و take care in children ده أول approach .
 2. ثاني واحد اللي هو Permeatal اعرف بس الكلمتين دول . Permeatal يعني جوه ال meatus مفيش scar بره خالص.. تمام
 3. Endaural يعني بتفتح فوق ال tragus الحته اللي قولتها في ال stapedectomy ما بين ال tragus وال helix .
- ال Permeatal وال Endaural بنستخدمه اكر في ال stapedectomy ، ال postauricular بقه

بنستخدمه في ال cortical وال radical وكله بيخش على EAC وال permeatal كمان الجزء ده مش عايز details فيه اوي، اللي قلته اقراه وخلص.

يبقى كدة تم بحمد الله ال EAR وهنبدا المرة الجاية في ال Nose.

الوقتي هنشوف فيديو على radical و cortical mastoidectomy:

وال Ossicles قدامنا اهي، والعيان نايم اهو وقدامي ال auricle وال mastoid وفي ايدي المشرط، همسك المشرط وهمل incision postauricular، ده قدامي ال mastoid وال cartilaginous Part of EAC فلازم اكبر ال view بالميكروسوب، وقدامنا اهو ال Macewen's triangle و suprimeatal crest. اهو الوقتي أنا هبدأ أعل cortical mastoidectomy ...

همسك ال drill بتاعي اهو الشنيور، والمفروض متذكرش الفاظ عربي خالص، اسمه ال drill او pair، مسكته وفتحت في Macewen's triangle، جبت ال antrum اهو وعرفت انا فين وبعد كده ال cortical mastoidectomy نلاحظ انه في ال wall باينة ال lateral semicircular canal ..

انا كده شفت ال cortical mastoidectomy، شفتوها يا ولاد.

ال complications بقه نركز:

- واضح هنا ال sigmoid sinus لو عورته بنزف venous blood،
- وفوق هنا ال dura لو عورتها ينزل CSF
- وهنا ال lateral semicircular canal لو عورتها يجيلي Perilymph fistula ..
- لو بصينا هنلاقي ال aditus ad antrum بابت منه ال incus وال fascial nerve ماشي deep ل
- aditus ad antrum وبعدين يمشي superficial، ودي كده ال cortical.

نعمل بقه ال radical:

لازم نشيل ال bridge واوطي ال ridge، بس هفتح ال cartilage part بتاع ال EAC علشان اوسعها بعد كده فتحته اهو وقدامي ال bridge ووطيت ال ridge، تعالوا بقه نشيل ال drum ونرميها في الشارع فهو radical بقى وظهر قدامي اهو ال promontory بتاع ال inner ear وقدامي اهو ال Eustachian tube. هنا ال malleus وهنا ال incus .. تعالوا ننصف العضم شوية .. ده ال chorda tympani يا دكتور وده ال tympanic plexus على ال promontory وده ال round window ورا وتحت ال promontory وده ال Oval window وده ال pyramid بتاع tendon of stapedious muscle، هشيل ال malleus وارميها في الشارع. خلصت ال radical .. هشيل ال bridge واوطي ال ridge.

تعالوا بقه اوريكم ال anatomy بتاع ال facial nerve. ده ال horizontal segment وده ال first genus وبعدين ال vertical part وده ال 2nd genus. وواضح عندي ال branches اللي طالعة من chorda tympani وال nerve to stapedius